

LA CRUZ

E corant aki tin 10 Página

CRUX VIRTUS MEA — CRUZ TA MI FORZA — Divisa di Mgr. van Baars

CONDICIONNAN DI SUSCRICION:

LA CRUZ ta salí toer Diahuebes

Numero suelto f. 0.15

Suscripcion pa anja f. 7.50

Suscripcion mester ta alomenos

pa cuater luna i

PAGA P'ADILANTI.

Administracion: Conscientiesteg 29

Willemstad — Curaçao, N. W. I.


—Editá na N. V. Paulus-Drukkerij—

OFICINA: ADMINISTRACION — ARUBA

SR. E. DE CUBA — ORANJESTAD

REDACCION: PASTORIE SAN WILLIBRORDO
TELEFON PUBLICO

Monumento di Boy Ecury ta simbolo di oposicion Arubana contra opresion di DERECHO Y HUSTICIA.



Den cas di mi mayornan no tin lugar pa un traidor.

Su sacrificio no tabata por nada i el a moeri como un gran Patriota.

Homenahe di monumento di Boy Ecury a resulta un solemnidad impresionante.

Den persona di Boy Ecury, e heroë Arubano di oposicion, nos ta honra i recorda e hecho, koe el a encargá coen: defensa di derecho, fiel te na morto.

Aunke koe su boca ta cesa eternamente, e tranquilidad koe ta rondona su tumba, semper lo larga nos recordá, koe el a experimenta e consecuencia di mas repugnante di Nazismo. Boy Ecury a naba e sacrificio di su bida, el a moeri como un heroë, coe un facción di menosprecio riba su cara contra e bordugonan cobarde. Ni contemplacion di morto por tabata na estado di mové pa pone bida di su companjeronan na peligro; pasobra su palabranan, su ultimo palabranan tabata, koe den cas di su mayornan no tabatin lugar pa un traidor. Den su ultimo oranan el a manda e mensahe pa su cas paternal koe e tabata fuerte i koe tabata spera koe toer esnan koe lo enristezá nan pa via di su morto tambe lo ta fuerte.

Riba su tumba nan a pronuncia sigiente palabranan: „Ningun hende tin amor mas grandi koe esun koe ta ofrese su bida pa su amigonan.”

Su sacrificio no tabata pornada. Pasobra mientras telonnan di bida tabata baha, a subi e aquilanan, koe tabata carga producto di nan sacrificio koe ta Paz.

Boy no por a mira corona terrenal di su trabao. Dios a dispone algo mehor p'e. El a hanja un recompensa mas elevá i mas glorioso. Awor e ta berdaderamente librá. Su idealnan, su espíritu i su energia, esakinan si nan no por a mata. Esakinan ta biba ainda den toer hende koe a conoce. Un prueba exterior di esai tabata e solemnidad impresionante na Aruba na oenda bao di importancia grandi i calroso un monumento pa Boy Ecury a ser inaugurá.

E imagen ta simbolicamente na moda di Holanda, camina nan a supla trompet di oposicion. Lucha aja a bira mas grandi, pa ora pa ora a bira mas extenso. L'e ta gloria inmortal di Antillanan Neerlandes „riba frontera di mundo” dia moenstra e camina di porvenir, koe solamente por a hanja sentido i nificacion den un mundo liber. Pa e mundo liber aki Boy Ecury a ofrese e cos di mas elevá, su sanger, pa nos por a biba den un mundo liber, na un derecho i husticia ta exponen-tenan di nos existencia humana.

Tabata reina masha importancia denter di comunidad Arubano, un distincion posthume pa e hoben heroë di gera aki. Su Excelencia Gobernador Peters a representá Gobierno. Despues koe Gobernador a ser ricibi pa comision di recibio, consistiendo di Gezaghheber interino Sr. H. A. Hessling, dr. J. E. M. Arends, miembro Consehero di Gobierno, Kapitein Fraai, dr. A.W.J.M. Desertine i hefe di policia local, Sr. Th. van Erp, a toema palabrá Sr. Godfried Croes, president dje comision a dirigi su discurso na „Heroë di gera Ecury,” un discurso elocuyente den cual el a memora com Boy Ecury den e dia seur di November a cai victima di terror aleman. Tabata reina gran alegría tempoe koe Boy a nace riba dia 23 di April 1920. Tempoe koe el a bai Holanda, pa mescos koe su roeman-nan e tambe bai completa su estudio i pa e dirigié despues pa Tilburg pa bai pone corona riba

su trabao pa bai sigi un estudio na Alta escuela di Comercio na Tilburg, pa despues e bolbe trobe Aruba, na oenda l'e bai den comercio, loke e tabata gusta asina tanto. Pero Dios a dispone di otro manera. E calamidad koe a ataca Holanda riba dia 10 di Mei 1940, a pone cohe arma. El a bini den oposicion underground i tabata traha aja como soldá. E tabata conoce e peligro di su encargo i ora koe el a ser arrestá riba dia 5 di November i a ser setenciá pa morto na Waaldorpervlakte, el a skirbi su roeman muher un carta, den cual el a toema despedida di su mayornan, doenando nan e seguridad solemne, koe e por a sabla su bida traicionando su companjeronan, pero koe lo e no por haci esai, pasobra den cas di su mayornan no tin lugar pa traidor.

Aruba ta roguloso riba su jioe, koe a ofrese su bida den un lucha independiente. Libertad a bini i el a coempra esai coe su sanger pa nos por biba na libertad.

Orador a moenstra aprecio pa inauguracion dje monumento aki i a suplica Gobierno na acepta e busto di Boy Ecury aki como un simbolo di pueblo Arubano.

Luego a tuma palabrá dr. P. F. van Bommel na nomber dje coleganan di ehército interior. El a pronuncia sigiente discurso: E invitacion di Comision pa como miembro di movcion di

oposicion Underground Neerlandes, di expresa algun palabrá na ocasion di inauguracion dje monumento pa nos heroico colega Boy Ecury, m'a acepta coe masha placer. Orador ta contentoe koe tin mas miembro dje oposicion interior koe ta presente aki na Aruba i koe a companjé na e solemnidad aki. Sin duda lo tin algun di nan mas koe mi no conoce i koe pa es motiboe aki mi no a pidi pa companja mi aki pa moenstra e honor na memoria di Boy Ecury.

Boy no a cai victima como un victima pa casualidad pa via sed di venganza di Nazinan, pero el a cai victima cumpliendo coe un deber di un bon militar, mientras no obstante conociendo peligro di su tarea, sinembargo el a toemé riba dje henteramente boluntario.

Pronto caba nos a bini na conclusion, despues dje asalto traidor di dia 9 pa dia 10 di Mei 1940, koe esaki no tabata gera mas contra fuerza Neerlandes armá, pero koe esaki tabata un lucha contra independencia di pueblo Neerlandes.

Un asalto, koe tabata mas brutal pa motiboe di odio di Nazinan tocante e hechoe koe pa via dje oposicion fuerte di fuerza Neerlandes armá a retarda nan makinan motorizá pa pasa den Holanda i a pone nan alcanza costa di Noordzee i a stroba nan di por a ataca Inglaterra for di aja.

Despues di capitulacion di Ehército Neerlandes i e bombardamento dje ciudad comercial di Rotterdam, e sucesonan dramático koe a sigi otro rapidamente. Ehército Belgicano a capitula i riba dia 4 di Juni Inglaterra a evacú su troepanan via Duinkerken, mientras riba dia 21 di Juni e poderoso ehército Frances a entregá.

E ora ai henter continente di Europa tabata den poder di Alemannan.

Awor pueblo Holandes por a scohe denter di dos posibilidadnan. E por a entregé manera un esclavo den man di Alemannan of e por a sigi opone contra nan tiranonan aleman cruel.

Cordando e palabrá di Willem de Zwijger „Rien n'est besoin d'esperer” a ser organizá diferente troepanan di oposicion riba e dianan ai na Holanda.

Habitantenan pacifico di Ho-

landia tabata henteramente inexperto den hacimento di conspiracion i un lucha underground contra un ocupador cruel.

Hopi despues nos a bini comprende ki facil e hombernan di oposicion aki a bira victima di un contra-spionage Aleman; koe tabata consisti di militan experto i gereronan completo.

Mas i mas fuerte hileni dje ocupador tabata primi riba poder Holanda heridá, koe caprichosamente e kedá ta nenga di juda Alemania den su lucha contra aliadonan.

E alemannan a trata na kibra forza di Holanda, robando toer nan provision di alimento i di larga nan perece poco poco di hamer i come na racion coe solamente tercera parti di loke tabata necesario.

Nan a cohe i a bai coe toer homber entre 18 i 40 anja i a hiba toer esakinan Alemania bai traha den fabrica nan aleman di arma di defensa aleman.

Hustamente e terror Nazista aki a stimula aumento dje movcion di oposicion underground i esaki a plama den henter e lugar.

E trabao koe e underground aki tabata haci tabata asina importante coe e movcion aki a ser considera como un parti di ehército i koe Su Alteza Real Prins Bernhard a bira comandante dje ehército di underground aki.

E departamento di spionaje a reuni toer notanan posible tocante plannan Aleman i movcionnan di troepa Aleman. E aparatonan transmisor secreto tabata doena toer e datos i notanan aki na alta comandante aliado na Londen.

E central di falsificacion koe tabata posee toer sorto di formulier i koe tabatin 1014 stempel falsoe a percura pa papelnan dje onderduikernan.

E accion di apoyo di ferrocarril tabata percura pa placa, kaarchinan di bon i alojamiento pa e hombernan huelgista di ferrocarril, kendenan pa motiboe di nan welga, tabata causa golpinan grandi contra desarollo di troepanan aleman.

E trabao di mas peligroso tabata ser haci pa e hombernan di knokploeg, koe purá-purá a ser mas i mas organizá. Nan tabata percura pa busca, hiba i distribui emisnonan di radio, armanan i municion koe avionnan di aliado tabata trece na lugarnan conveni coe parachutan den anochinan seur.

Ta e hombernan di knokploeg aki tabata ataca diripiente oficianan aleman i tabata ataca prissonnan pa libertá nan coleganan koe tabata cerrá aiden i ta e hombernan aki tabata horta den e oficianan di distribucion pa nan hanja bon pa e fugitivo-nan. Nan tabata ataca transportnan aleman riba camina i continuamente nan tabata causa rompecabeza pa e conquistador den esaki su plannan i ehercitonan. Coeprofundo respet mi ta recorda e balente obra dje K.P. nan aki.

Foi promer anja di gera ya Boy Ecury a unié cerca un grupo di oposicion i como miembro di un K.P. el a toema parti na toer sorto di accion.

Na anja 1942 e mester a hui foi Tilburg i e tabata traha como K.P. despues tras di otro na Oosterwijk, Delft, Den Haag i Rotterdam.

Mas koe 4 anja el a biba den sombra di morto i e tabata sabi esai.

E no tabata un dje hendenan koe tabata vacila pa haci un cos, pero e tabatin e bista preciso den

circunstancianan, bao di cual e i su coleganan tabata traha.

Ora koe nos forma nos un idea koe ningun Holandes tabatin derecho di camna sin permiso especial riba caja anochi despues di 8'or, i koe esun koe nan hanja coearma cerca dje, ta ser castigá irrevocablemente coe morto, anto e ora ai nos ta convence den ki peligro e hobennan aki tabata cumpliendo coe nan deber.

Na Juli Boy coe algun otro hobennan di K.P. a ser encargá coe un mision importante, pero mashá peligroso. Na September di anja 1944 el a larga un carta atras pa su roeman muher koe tabata na Holanda, pa esaki entrega e carta na su mayornan en caso si e no bolbe mas. Den e carta aki e ta moenstra koe e ta sintié jamá pa cumpli coe e deber aki i koe e tabata masha bon consciente di loke el a haci.

Awe cincoe anja despues, riba dia 5 di November 1944 Boy i algun colega mas di dje a ser arrestá pa policia aleman secreto ora koe nan a sali foi misa. Nan a hanjé coe dos pistol automatico den su sacoe i esaki caba tabata suficiente pa un setencia di morto.

E horda di Nazinan a propone na coempra su bida traicionando su coleganan koe Nazinan no por a logra cohe te ainda. Nan a primifé koe despues di gero lo e por bolbe Aruba trobe den centro di su familia i majornan.

E ora ai Boy a pronuncia e palabranan glorioso: „Den cas di mi majornan no tin lugar pa un traidor.”

Su maneco, esta riba dia 6 di November Nazinan a hibé na Waalsdorpervlakte na pia dje dunanan, cual awor ta empapá di sanger di numeronan incontable di martiran Holandes.

Ora koe e tabata pará dilanti dje bordugonan koe skopet armá, Boy a grita: „Biba La Reina,” i inmediatamente despues el a entrega su bida pa La Reina i Holanda.

E sacrificio aki mescos koe asina tanto otro sacrificionan di bida di hende ta inexplicablemente triste; lo tabata insoponible pa carga e tristesanan aki si nan tabata hibá enbano. Holanda a paga un suma caro pa su loyaldad i fieldad na e caso aliado.

Den e cincoe dianan di lucha violento di 10 te na 15 Mei 1940 a moeri di parti di Holanda 2067 soldá, mientras 2680 a keda heridá; durante e ocupacion pa hechonan di ocupadoman Nazi 200.000 ciudadano liber a ser matá. Pa es hecho aki Holanda a perde na Europa 20 persona riba cada 1000 habitante, burger i militar contá huntoe, mientras Inglaterra a perde solamente 6 riba 1000 habitante, contando burger i militar huntoe.

Nos colega Boy a comprende e union di Aruba i Holanda, mescos koe George Maduro, Charles Debrot i Jan Haayen di Corsouw i Holanda.

Toer e cuater jioenan aki di Antillanan Neerlandes a moeri pa e caso di aliado i pa nan conviccion di union coe Madre Patria.

Dios doena nos — sobrevivientenan — e favor di no a sucumbi den e gera terrible koe a coemprá 1940; i p'esai ta nos deber sagrado pa coe nan, koe a doena e sacrificio di nan bida pa salba civilizacion, di percura pa e sacrificio koe nan a haci no tabata enbano.

GRATITUD

Bendemento di biljechi na fabor di trahamento di un misa na honor di

„Nuestra Señora di Altigracia,”

na Steenrijk a bai asina lihe i tabata un succes asina grandi, cu nos ta sinti nos obliga di gradici di henter nos curazon tur esnan cu a contribui pa e bon éxito aki. Dios lo paga boso tur.

PASTOOR VAN DER LOOY

No ta suficiente koe a costo di asina tanto bida di hende gera mundial II a ser ganá; pero nos mester trata na sigi biba na paz.

E bista di Boy Ecury koe ta tirá riba Aruba i koe ta sigi mira na Corsouw i Holanda, lo recordá nos na esai.

Luego e orador aki a pronun-

cia algun palabrá na ingles, loke

tabata mas o menos un traducion

di loke el a papia na Holandes.

Despues dje discurso impresio-

nante aki Su Excelencia Sr. Go-

bernador Peters a inaugura e

busto, tamboer i trompetnan a

toca Wilhelmus i tabata reina na

e momento solemne aki un silen-

cio emocionante. Aruba a bira

mas ricoe na un monumentoe,

koe tabata jen di simbolica. Sim-

bolica tambe tabata e inscripcion-

nan koe tabata grabá riba colum-

na dje imagen. Tabata texto di

Johannes 15—3, koe tabata reso-

na.

Ningun hende su amor ta mas

grandi koe esun koe ofrese su

bida pa su amigoe.

I e palabrá elevá coe cual el a

moenstra e ocupadornan sin mi-

sericordia nan impotencia, ke-

dando sin comete traicion ta es-

akinan: Den cas di mi majornan

no tin lugar pa un traidor.

Riba e otro pila tabata pará

skirbi:

El a considera como un honor

di procede mes balente koe nos

amigoe, koe nos a mira moeri un

anochi anterior i a bise koe l'e

moero coe un sonrisa riba su ca-

ra.

I como un recuerdo na su dian-

an di lucha i sacrificio nos ta

leza:

Na memoria di su sacrificio i

como un animacion pa fieldad i

animo, e monumento aki a ser

dedica na dje pa su conciudadan-

nanan.

I luego:

E tabata un gran jioe di es-

nan koe tabata biba i lucha bao

di nos tricolor Neerlandes. Coe

orgullo lo mi sigi recorda su

hechonan.

Discurso di Gobernador

„Ata nos pará aki uni”, asina Gobernador a coemprá su discurso, „coe un coerazon jen di tristeza, pasobra un bida hoben a ser arranca na un manera asina repentino. Pero nos por consola nos coe e pensamiento, koe e bida aki a ser bon hibá. E hoben Arubano aki, koe na Holanda a ocupa encargo asina responsable di oposicion, a ser sorprendi pa e decision di su destino koe e ocupadornan a estipula, pero su ehemplo a sirbi como ehempel pa pueblo i nacion. Boso toer conoce e historia di bida i sufrimiento di Boy Ecury, koe tabata

lucha pa su idealnan i koe tabata sabi koe peligro i martirio tabata amanez.

Personalmente Gobernador no a conoce Boy Ecury, e conoce foi comersacionnan i tradicion, pero koe ta despues el a tende di su hechonan grandi, pero orador a considera como un gran privilegio p'e, di por a haci uso di palabrá awe riba e dia asina memorabile pa henter Aruba, den cual un Arubano a proba su amor di sacrificio pa humanidad, Principalmente Gobernador kier a demoenstra birtud di Boy Ecury, pasobra e birtudnan koe e hoben aki a demoenstra, tabata asina necesario pa un situacion politica salubridad.

Boy Ecury a haci e sacrificio di mas grandi, asina Gobernador a termina su discurso, Aruba por ta convenci koe e sacrificio aki haci pa un di su jioenan no tabata enbano.

Luego Gobernador a pone un kran na pia dje busto, pastoor Th. Bartel a haci e solemnidad aki na nomber di Vicariato Apostolico di Antillanan Neerlandes.

Na nomber dje famianan koe a asisti e solemnidad aki a toema palabrá R. van Haaren, kende a expresa palabranan di gratitud pa e importancia demoenstra.

Despues orkestra di St. Michaels a resona e marcha funebre „In memoriam”, un composicion di Sr. W. M. Hoyer na un acuerdo coe R. Th. Palm. I coe e marcha aki a jega un fin na e solemnidad aki. Tanto gobernador como hopi autoridadnan mas, a bai doena nan condolencia na familia dje defuntoe.

Importancia enorme na ocasion di inauguracion di e monumento di Ecury.

Tabata reina enorme importancia na ocasion di inauguracion dje monumento.

Riba aerodromo tabatin presente pa saluda Gobernador Peters koe a bini companja di su adjudantenan v.d. Laarschot i v.d. Beek, president di C.A.B., mr. L. C. Kwartz, dr. J.E.M. Arends, miembro di Consejo di H. A. Hessling, dr. A.W.M. Desertine, miembro di Corte di Husticia, kapitein Fraay i hefe di policia local Sr. Th. van Erp.

Tabatin pará aja un peloton bao di comando di luitenant Oehlers.

Coe e mes avion aki a bini tambe Sres J. H. Sprockel, miembro di C.A.B., miembronan di Staten Mr. I.C. Debrot, H. Braam i Voges, kapitein ter Zee M. M. Merens.

Nos a ripara tambe riba e aerodromo lider di fraccion di

(E ta sigui na Página 2)

PA HUBENTUD Y CAS DI FAMIA

22 DI NOVEMBER

Santa Cecilia, Patrona di Cantadornan.

E esclarecida Birgen i Martir Santa Cecilia, a nace na Roma, di majornan masha nobel, kende, maske nan tabata pagano, toch nan no a stroba nan jioe di ta cria i educa den fe catolica. Ja for di su edad masha tempran el a consagra su birginidad na Dios.

Contra su boluntad su majornan a case coe un cabaljero hoben i ricoe jama Valeriano. Esaki a bini riba e dia di celebra e solemidad di matrimonio. Mientras koe toer e presentenan tabata di fiesta i recoiho, solamente Cecilia, kende, apesar di, tabata bistir di seda i oro, tabata tristoe i tabata jora. Anto el a jama su esposo i el a bise:

„Mi ta haci o sabi koe den mi compania mi tin un angel, koe ta warda mi birginidad; esaki kier pa bo respecta mi.”

Valeriano a responde: „Haci mi mira e angel koe bo ta bisa ta den bo compania.”

Cecilia a responde: „Si bo kier mire, ta necesario koe promer bo kere den Hesu-Cristoe i bo ricibi bautismo.”

Valeriano, jen di gana di mira e spiritoe celestial a puntra Cecilia kende por instrui e den doctrina cristian i bautize. Anto Cecilia a mande cerca Papa Urbano, kende, pamotiboe di e poersigcionnan, mester a busca un lugar di sconde den catacumbanan, cerca dje camina koe ta jama „Via Apia.” Aja Valeriano a bai cerca dje i for di su man el a ricibi e gracia di bautismo.

Ora koe el a bole el a hanja Cecilia resando i banda di dje el a mira un angel, rondona di splendor celestial.

Den promer momentoe e tabata totalmente for di su mes, ma despues di a recupera su mes, el a coeri bai cerca su roeman Tiburcio, na kende el a conta e succe-

sonan milagroso. Esaki tambe a comberti su mes na Hesu-Cristoe i despues di su bautismo e tambe a hanja e privilegio di por a mira e angel koe tabata conserba Cecilia su birginidad.

Pronto nan a pone nan tres preso coe orden di Almakio, prefecto imperial. Esaki confiando riba e rikezanan di Cecilia, el a puntre oenda el a warda su rikezanan.

Ma e birgen a responde koe el a parti toer su rikezanan pa pobernan. Furioso coe e contesta aki, el a manda nan mate den e banhoje di su cas pa medio di candela. Durante di un dia i di un anochi el a keda expone na vlamnan, koe no a hacie nada. Anto Almakio a manda un di su soldanan di confianza pa e corta su cabez. Tres bez tras di otro e burduro a herida e birgen na su garganta coe su lanza; ma te despues di tres dia el a moeri el a drenta cielo coe e palma di birginidad i di martir.

Santa Cecilia tabata herece e arte di musica, i manera rey David, e tambe tabata canta alabanza na Dios pa medio di arpa. Di e manera aki el a bira patrono principal di cantador i di toer koe ta dedica nan mes na arte di musica.

Papa Pascual I a descubri su graf i a habrie. E tabata den su graf bisti di blanco coe adorno di oro i na lugar di parece un hende koe tabata morto, el a parece mas bon manera un hende na sonjo. Na su pia tabatin un vaso coe spons koe tabata empapa den su sanger.

Papa Clemente VIII a larga pone su restonan den un caha di plata i coe un solemidad grandi nan a hiba nan na Roma, i nan a pone nan den un misa consagra na su recuerdo glorioso.

NOVELA PA HUBENTUD

NOS TA BAI ROMA.

(Continuacion).

Porfin e ta puntra „Mèrt”. Dios gracias mi ta comprende e palabra ei. Na Basel e pueblo ta papia casi mescos cu na Maasticht. Na camina nos ta mira hopi edificio bonita, bieuw i nobo. Basel ta un stad bieuw caba, fo'i tempo di Romanonan. Un stad di arte i di ciencia, antes i awendia tambe nan ta tene aja congresnan i tentoonstelling. Tambe e ta conoci pa motibo di su comercio, pasobra e ta para net riba e frontera di tres paisnan.

Un museo precioso i un hardin cu tur sorto di animalnan stranjero ta jama nos atencion, pero nos no tin tempo mas.

Purá nos ta tuma nos lunch i

na 12.28 nos ta sinta den e trein electrico Basel — Milaan, ku ta hiba nos pasa den e tera rico di naturaleza di Suissa pa Italia, e tera di solo. Trobe nos tin un coupé pa nos sol. E tera aki ta plat. Nos por mira te leeuw i aja e seronan halto di „Jura” ta jega na nos bista.

„Bosonan ta reserba lugarnan pa lunch” un hende di restaurant di trein ta puntra.

„Pa lunch no, pa diner si”, i nos ta moenstré e bon di reisbureau.

„Ta duel mi senjor. E wagon di restaurant ta bai te Bern, aja nos ta los é. Pero cu e bon aki bo por haja un lunch si.”

„Pero nos a haja un lunch caba. Ma nan no ta pone un otro

restaurant-coupé na e trein aki?”

„No senjor.”

Un situacion fastioso. Te na Arona, camina nos mester tuma un toro trein na 7.04 nos lo no haja nada di come. Podiser nos por coempra liher un of otro cos na un of otro perron. Nos stoma

lo no protesta asina liher i nos ta dicidi di tene paciensi numa. Ma pakico e compania Suissa no ta pone un restaurant-coupé na un trein international asina? Esei nos no por comprende.

(E ta sigi).

Di XXIV Diadomingoe despues di Pentecoste.

EPISTEL

Les di Carta di Apostel San Pablo na Colesensenan C. 1; V. 9 — 11

Roemannan! Nos no ta stop di resa pa boso i pidi Dios, pa boso hanja conocementoe perfecto di su boluntad den toer sabiduria i ciencia spiritual; pa boso biba di un manera digno di Dios, haciendo su boluntad den toer cos, haciendo toer sorto di bon obra, i creando den conocementoe di Dios, fortifica coe toer sorto di forza segun poder glorioso di su gracia, pa tene semper toer pasenshi i longanidad huntoe coe legria; gradiciendo Dios Tata, koe pa su luz a haci nos digno di toca parti na suerte di santoenan; koe a ranca nos for di poder di tiniebla, hiba nos den reino di su Jioe stima, den kende i pa kende su sanger nos tin redencion i pordon di picar.

EVANGELIO

Evangelio segun San Mateo C. 4; V. 15 — 45

Den e tempoe aja Hesus a bisa su discipelnan: Dia boso lo mira para den lugar santoe e abominacion destructor koe profeta Daniel a profetiza, anto esun koe leza, trata di comprende. Esun anto koe ta na Hudea, hui na seroenan! I esun koe ta riba dak; no baha saca algoe for di su cas, i esun koe ta na coenucoe no bolbe pa pusca su bistir!

Ma ai di esnan koe mester doena luz, i di esnan koe ta cria jioe den e dianan aja. I resa, pa boso huimentoe no socede na tempoe di frioe, o na dia di Sabbat. Pasobra lo tin gran tribulacion e tempoe ai, manera no tabatin desdi coeminzamentoe di mundoe te awor, i lo no tin mas tampoco. I si e dianan ai no tabata haci mas corticoe, ningun hende lo no salba; ma pa motiboe di scohirnan, e dianan ai lo ta hacimas corticoe.

Si den e tempoe ai un hende bisa boso: Mira Cristoe ta aki, o E ta aja! no kere. Pasobra lo lamanta falsos cristoean i falsos profetanai, i lo nan haci sinjal grandi i milagronan, di manera koe scohirnan mes (si tabata posibel) lo cai den error. Ma mi a bisa boso p'adilanti.

Si nan lo bisa boso anto: Mira, e ta den desierto! no sali; mira, E ta sconde p'aden di cas! no kere. Pasobra manera relampago ta sali for di Oost i ta luza toer parti te na West, asina mes binimentoe di Jioe di hende lo ta. Camina tin un curpa morto, aj! agula ta reuni.

I unbez despues di tribulacion di e dianan ai, solo lo bira scur, i luna lo no doena su luz, i streanan lo cai for di cielo, i podernan di cielo lo ta sacudi. I anto sinjal di Jioe di hende lo parce na cielo; i toer generacion di mundoe lo jora, i lo nan mira Jioe di hende bini riba nubia di cielo coe poder grandi i mahestad. I le manda su angelnan coe trompet i boz fuerte, pa nan reuni su scohirnan for di cuater skina di mundoe, for di un horizonte di cielo te na otro.

Sinja for di paloe di vijgi e comparacion aki: Ora su rama a bira frescoe caba, i su blachinan ta sali, anto boso sabi koe tempoe di calor ta acerca; asina mes, ora boso lo mira toer e cosnan aki, sabi anto, koe ta acerca, dilanti di porta. En berdad mi ta bisa boso: E generacion aki lo no pasa, promer toer e cosnan socede. Cieloe i tera lo pasa, ma mi palabra lo no pasa.

AMBIENTE FAMILIAR

MORES E HIJOS

Sinembargo Juancito ta tuma tur e moda di papia i di splica di un menceer di school. „Masha bon” e ta gaba nan, ora nan a contesta drecho. „Anto ora nos ta kita tanto for di es suma aki i nos ta multiplica cu 399, ki resultado bo ta haja? Abo Bobby, responde.”

Bobby ta responde i e contesta ta bon. „Masha bon. E contesta ta bon.”

„Danki, profesor” Robby ta bisa awor, i e ora ei tur ta hari.

Nan ta bai basta adilanti. Pero un dia nan a papia i asina e otro mucha di school a tende di e priuat-les di Juancito. I awor e bofon i tergmento ta coemiza. Juancito principalmente tin di sufrir di esei, pasobra e otro tres ta basta grandi i poco mucha ta risca di bringa cu nan.

„Aha, Juancito profesor”, nan ta grité.

Juancito ta bira corra. E ta keda keto i ta sigui su camina.

E tres grandi tampoco no ta papia pasobra nan ta sinti un poco berguenza ku nan a pidi un mucha mas chiquito di juda nan.

Diarazon ningun a bini. Diasabra atardi tata Juan a puntra si e tres mucha grandi no ta bini mas. Juancito a responde ku e ta kere ku no, pasobra na school tur mucha sa caba ku mi a juda nan i awor nan tin berguenza di bini. Nan ta canta un cantica na school: Juancito Mores ta fia bril di su tata, ta sinta riba un stoel halto i e tres mucha grandi riba un banki chiquito pa nan no sali mas halto ku nan profesor. Enfin e cos ta sara hende berde.

Na scondi Juancito a goza masha su trabao di professor, i p'esei e bofon o pika duro. Ma poco uoco el a haja palabra pa su defensa. I ora un otro biahe un mucha a grité: „Aha, Juancito professor” el a responde: „bini numa, tur dia mi tin spreekuur pa cada domoor.” Ma e ora ei mas mucha a bini i nan ta canta:

Juancito cu su bril histi ta larga Bobby ripiti, su man tra'i su oreá, esai si ta O.K. ja.

2.

Juancito Mores, professor ta duña les na tur domoor ta sinja, spierta, spanta nan ta zoeta nan carson cu man.

3.

Juancito Mores ta sabi ta conta nan te een twee drie i si e contesta no ta bon ta hiza palo sin pordon

Un mucha a scirbi e cantica aki i a pinta Juancito sintá riba un banki halto cu cara rabiá i un dje muchanan na rodia pidiendo pordon.

Juancito a fada. El a conta su tata tur e historia aki. Ma tata Juan kier probecha di doena su joe un les.

„Loke e muchanan ei ta haci ta masha maloe ita moenstra ku den nan coerazon nan ta jaloers. Pero mi conoce mi Juancito tambe. No ta berde ku bo a sinti bo mucho orgulloso, ku e hobennan a bin pidi bo di juda nan. Wel esaki ta un les pa bo, pa keda humilde. Mira aki, tin muchanan ku ta bisa: mi ta gaba mi mes pasobra otro hende no ta hacié. Nan ta hende bobo mas tanto. Ma abo, mi joe, tin asina bon cabez, ku semper bo a haja aprecio di tur banda i p'esei no busca di broma. No tin mester.”

Ai, stop di maha.

„Juancito, bin tende.”

„Kico bo kier?”

„Bin tende, no.”

„Mi no tin tempo awor pa scucha bo co'i loco.”

(E ta sigi.)

Música ta Idioma di Coerazon

(Continuación)

Toch awor nan tin relacion coe otro; nan tabatin puntonan, na oenda nos tabata papia e ora ai di influenciannan mutuo. Tambe e musica di misa na un solo stem cual misa nos ta jama „Gregoriaans a moenstra su influencia riba himno i cantica artistica. Propiamente den toer tempoe Gregoriaans a haci su influencia, te awendia tambe. P'esai mes ta strango, koe interesadonan di musica, koe ta dedica nan completa atencion na musica di Palestrina i e musica despues por ta larga musica di foi siglonan promer koe e granmaestro aki pasa, anto conscientemente nengando esaki. Arte di musica a coemiza hanja bida te despues di anja 1500; e ultimo cuarta parte di historia Europeo nan ta considera como historia real di musica, e tres cuarta parte anterior ta ser considera como algo irreal.

Ta aceptable koe e musica antigua ta menos accesible pa nos, pasobra amante di musica di tempoe actual tin un manera distinto di scucha musica, sinembargo hopi hende no por scucha musica di otro manera sino den accord. E stem di mas haltos ta canta of toca e melodia i e sobra stemnan ta forma huntoe coen e accord conveniente. Simplemente bisá, ta existi pa hopi hende den un pieza musical solamente un melodia, e otro melodianan

koe tin ta sirbi solamente pa completa e melodia aki, pa doena asina e „harmonia” pa halza prestigio dje musica, pa e unico stem sol no keda muchoe solito.

Entrante nos a comprende koe na e sistema aki lo nos no por scucha musica di Palestrina i Bach; experiencia ta sinja koe e escuchador ta perde hopi dje musica koe e ta fada i e ta declara koe e no ta hanja e musica boenita.

E palabranan introducidoe aki kier a doena un idea pakico musicanan na un i mas bez ta ser considera pa hopi hende unico, laf i sin gracia, fastioso i tin bez incomprendible mes. Pa e proceder di ignorancia aki a resulta koe e musica di promer koe 1500 no a hanja muchoe acohida i ta un problema pa hopi hende com por ta posible koe tocante esaki por tabatin folianan jen skirbi i koe pa e estudiante di musica esaki ta nifica un dje listanan di mas pisá pa por bin coestumbra coe e materia aki koe t'asina extenso, koe hasta pa historiconan experto i musicologonan ainda tin hopi secreto.

Sinembargo lector no mester spanta leza algun pagina tocante e musica aki, di promer koe 1500, coe cual nan ta doena un solo aviso di linea di desarrollo, sin profundizé den teoretica di musica.

(E ta sigi.)

RINSO ta laba limpi, lihé i fácil



Mama a descubri cu RINSO ta laba panja di color i blancoe mas brillante i mas blancoe. E scuma abundante di RINSO ta saca toer sushi i ta haci labamentoe di panja facil i lihé.

RINSO ta laba toer panja!



IX.


— „Ata nos aki anto!” Mister Bommel a bisa, despues koe e Burgemeester mes a habri porta pa nan i a larga nan dreña. „Larga e spiritoe bini noema!”

— „Caramba, mi ta admira di dje armanan!” e Burgemeester a bisa babuca. „Manera mi ta mira bon no tin miedoe no Bommel?”

— „Oho!” Mister Bommel a selama. „Miedoe? Ami? Nunca ningun hende no a puntra mi un cos asina! Un Bommel no tin miedoe, e ta un cabaljero sin miedoe ni temoi!”

I awor larga nos papia na serio. Oenda bo criarnan ta?”

Tom Poes i e Spiritoe awa



— „Mi a manda nan bai mira cine! e Burgemeester a bisa.” No koe mi ta kere koe algoe lo socede, ma si awe noch mi mester troca den un sapoe, mi no kier pa nan mira esai.

Esai lo ta un cos masha maloe pa mi bon number!”

— „Ta bon!” Mister Bommel a bisa. „Anto nos lo pasa nos tempoe combersando, te ora koe e akwa kico ai bini!”

— „I ami ta bai tira un bista

rond, pa mas siguranza,” Tom Poes a bisa. „Te awor!”

El a sali for di e fugar, el a pasa den e ganchi, i el a habri e porta koe ta dal afor, coe e cuidao di mas grandi.

— „Prudencia nunca no ta malo!” el a bisa. „Nunca hende no sabi kico por bin socede!”


Net den momentonan ai algoe a move bao di e paloenan.

Un figura scur a parce fao di bao di dje paloenan i el a cohe camina pa e palacio di e Burge-meester.

Toer Bicieta Raleigh tin e sinjal di

Fortaleza

Esaki ta marca di e mehor bicicleta di Inglatera. Produci na e mehor fabrica di bicicleta di mundo. Pa fortaleza, calidad y precision cumpira un Raleigh-cu ta henteramente di staal.



Un producto di Industria Raleigh, Limited, Inglatera.

RALEIGH

E BICICLETA HENTERAMENTE DI STAAL CU 3 OF 4 SPEED

Distribuidor:
CURACAO TRADING CO. S. A.
C.T.C. Building — Willemstad — Curaçao

Agentenan Local:
Curaçao: LA MODA, MANRIQUE CAPRILES & SONS.
Aruba: J. T. P. CABENDA & Co.

Sigur e ta orgulloso....

Habon Sunlight

ta laba limpi y cu dulzura!



E ta bon pa bo mannan tambe!



E no ta corda mas cuanto bez e voorschot aki a laba — y ainda e ta moestra nobo... pasobra semper el a label'e coe HABON SUNLIGHT.

Habon SUNLIGHT ta laba lihé y ta conservá panja.

HABON SUNLIGHT
SU SCUMA ABUNDANTE TA KITA TOER SUSHI.

Prevision di Electra ta degenera den caos.

Aki poco dia situacion ta bira mas critica.

Prevision di electricidad ta pidi mehoracion urgentemente. No ta mucho fuerte si nos papia di un situacion irresistible.

E cituacion ta di tal manera, koe Gobierno ta procede como proveedor di electricidad i Electra como distribuidor.

Na caso di no entrega corriente na particularnan, Electra ta apelé riba esaki repetidamente, ora koe hende bin pidi comunicacion cerca dje, cuai ta ser rechazá retundamente pa Electra. Abononan nobo no ta hanja comunicacion i un hende koe ta biba cien meter mas leuw di e net actual, tampoco no ta hanja comunicacion, toer cos coe apelacion riba e arreglo ariba mencioná, foi cual ta proba anto koe ta Gobierno ta falta di doena suficiente corriente.

Koe den un territorio industrial manera Aruba un hende koe ta biba meimei den centro di ciudad no por hanja corriente, ta un demonstracion di incapacidad dje actual concesionario.

Coemanzando coe dia 1 di Januari 1950 situacion ta bira ainda mas critica, pasobra na e fecha aki A.P.M. lo stop definitivamente coe abastecimiento di corriente na Oranjestad. Den un carta dirigi na Gobierno na Juli 1947 Compania a rescindi e contract koe a termina, pasobra e no por resisti mas, pasobra ta usando mas corriente koe tabata haci den e convenio. Koe e termino di rescincion ta un anja, e prevision di corriente lo mester a termina mas o menos medio 1948. E carta aki tabata naturalmente dirigi na firma Electra. Koe firma Electra a mira urgencia dje caso aki a proba foi e hecho, koe na September 1947 nan a larga Prof. Fonteyn bini over, kende un luna despues caba a traha un rapport, den cual tabata mencioná, koe entre Oranjestad i San Nicolaas mester bini dos kabel alimenticio pisá koe despues alavez por sirbi como kabelnan alimenticio pa propio central. Ta di comprende koe despues di cabamentoe di e contract di A.P.M. nan a haci toer esfuerzo pa hanja mas corriente di Lago. E esfuerzonan aki tabatin resultado favorable, pasobra Lago a priminti di doena 1500 km., loke tabata mas koe suficiente. Dje promesanan di eleccion pa prevision na Santa Cruz no a resulta nada.

Na e promesa di Lago pa extendende su entrega te na 1500 km. tabatin solamente un condicion, esta koe e firma distribuidor mester percura pa su net ta dispuesto pa por transporta e 1500 km. aki. Coe esaki e fábula, den cual nan ta bisa koe Gobierno a falta na doena mas corriente a proba koe no tabata berdá.

Toer esaki a proba foi un carta koe e firma Electra a dirigi

na Gobernador dia 24 di Juli den cual ta para skirbi:

Ta nos intencion, si acaso Gobierno ta di acuerdo coe entrega di corriente di toema inmediatamente a pasonan necesario pa apurá e entrega di corriente aki i den mas corto tempoe di realisa loke den situacionnan actual sigur lo por jama di mehor colucion dje problema.

Condicion di Lago tabata contene pa pone un kabel entre Lago i San Nicolaas i Electra a priminti na Juli 1947 di pone e kabel den mas corto tempoe posible.

No obstante e palabranan boenita i formalidadnan, ainda e kabel no ta poné, mientras ambos kabel entre Oranjestad i San Nicolaas ainda no ta na uso.

Ora koe e asunto aki no a bini cla, nan a bolbe bai na A.P.M. pa pidi prolongacion. E prolongacion aki ta concedi te na November 1948.

Pa e gran flexibilidad di Compania, koe a mira koe aki den gran interesnan Arubana ta meti, ainda semper nan ta entregá un parti, pero dia 1 di Januari 1950 esaki lo termina definitivamente, como e compania aki tin necesidad dje corriente pa su mes empresa.


Ya foi 14 di Maart 1949 A.P.M.



e ultimo toque di embellecimiento ta

— esmalta bo uñanan cu CUTEX

Bo uñanan esmalta cu Cutex lo keda mashá bonita. Cutex di colorman más moderno, ta fini, liso y reluciente. Cutex ta duradera, no ta kita ni perde su lustro y toer color ta keda mes bon hopi dia. Usa Cutex. Admirando bo mes uñanan esmalta cu Cutex lo bo reconoce pakico e ta e esmalte mas famoso di mundo.



a stop algun dia coe entrega di corriente, loke algun luna di antemano tabata publicá caba. Perhuicionan grandi tabata resultado di esaki.

Kico lo ta despues e perhuicio ora koe nan stop definitivamente na entrega corriente? Foi awor caba diferente empresa ta experimenta gran desventahanan pa e corriente koe cada bez, ta ser kitá, sin aviso de antemano.

Huntoe coe esai nos ta hanja ainda koe cada experto economico ta insisti, establecimiento di industrianan chikito nobo pa nan haci mas espacioso alafin e base di nos prosperidad, koe solamente ta existi pa via dje empresanan petrolera. Com nan lo por hanja industrianan estranhera ora koe nan no ta sigur di un entrega normal di corriente?

Nos no por culpa Gobierno koe e no ta pone na nan disposicion e cantidad di corriente necesario. Wel mester culpa Gobierno di a descuida enormemente e interesnan specifico Arubano pa e concesionarianan actual asina tantoe, sin toema medidanan.

Preguntanan na C.A.B.

Sr. Amelink a haci sigiente preguntanan:

1. Bo colegio ta na haltura koe foi Juli 1947 Lago Oil Company a ofrece entrega di corriente di Oranjestad i San Nicolaas, con tal koe net di distribucion ta corresponde na exigencianan normal?

2. Bo colegio ta na haltura koe foi dia 1 di Januari 1950 A.P.M. lo termina su entrega di corriente na Aruba?

3. Bo colegio no ta di opinion koe e falta di entrega di corriente ta debi na e firma koe ta percura pa distribucion i koe esaki no ta atene na e condicionnan di e concesion?

4. Bo colegio ta dispuesto pa toema inmediatamente e medidanan necesario pa por bini pronto un mehoracion den prevision di electricidad na Aruba.

5. Bo colegio ta dispuesto na participa ki medidanan esakinan ta?

Noticia di Corsouw

CURA PA MARIE POMPOEN.

Poco poco pero sigur e adorno di mas boenita di casnan di Marie Pompoen ta realizando. Diferente cas ya a hanja nan curá wayá i ansioso toer bisinja ta warda di nan. Lo tabata masha deseable pa toer e barrio aki por a hanja nan curá promer koe e anja aki termina, pasobra hopi hende ta warda riba e curá pa nan por coeminsa coe nan asunto di mata i flornan.

Nos ta spera koe lo tin suficiente waya pa e trabao aki por sigi i termina coe rapidéz.

REORGANIZACION DI HAAF.

Coe vapor „Boskoop” a jega aki hopi material, mashin i otro cosnan necesario, koe ta nifica un principio di e gran plan di reorganizacion koe e Companianan di Haaf tin coe nos haaf.

Ja nan a desembarca e materialnan i nan ta armando e mashinnan.

Mas energia mas vitalidad



... na prijs barata

CU E DELICIOSO I ALIMINOSO

QUAKER OATS

Quaker Oats ta yen di ingrediente fortificante alimento cu naturaleza mas a duné y desayunando cu Quaker Oats bo ta alimenta bo mes na un manera natural. Muchanan cu ta desayuna cu Quaker Oats ta crece grandi, fuerte y yen di energia. Ningun otro cereal ta ofrece asina tanto vitamina manera Quaker Oats p'esey e jama alimento natural. Pasobra Quaker Oats ta juda mantene bo mes bon di energia henter dia; e ta mashá bon pa esnan cu ta haci trabao pisá ...

QUAKER OATS TA DUNA:
MAS energia e ta rico na castohydrato
MAS fortaleza e ta yen di proteina
MAS vitamina e ta contene Thiamin (Vitamina B 1)
MAS agradable toer hende gusta su sabor delicioso

Awor... bo tin un pakico gusta Quaker Oats.

Herebe 2 koppi di awa. Pone salo i un koppi di Quaker Oats aden. Lage cushi 2 1/2 minut mientras bo ta biré. Esey ta toer cos.

BELLEZA PA TOER EDAD

Mantene bo cabel bon penja y brillante cu pomada Parami.

Pomada Parami ta realiza e brillo natural di bo cabel, ta haci suave y perfumá pa e Jerfume di juver'ud cu e ta contene.



Brillantine Parami

cu e PERFUME DI JUBENTUD

Bo kier Traba cu smaak? anto BO mester bebe **HEMO**

Den hopi caso dietanan corriente no ta duna e cantidad adecuado di Vitaminan y Mineralnan na personanan cu ta dedica nan cu trabao pisá. Pero si bo tuma e delicioso Hemo cu sabor di choocolati, bo ta juda na jena bo cu e mineralnan necesario pa bo por resisti loke bo trabao ta exigi di otro actividadnan di bo vida.

E ta desarolla weso i musculonan, i ta haci bo produci mehor trabao, goza di un salud perfecto y agilidad mental cu bo ta ambiciona pa bo triunfá!

Hemo de Borden



E TA BON
Elate e boca Borden
ta bisa

X.




Tom Poes i e Spiritoe awa

Toem Poes a salt bai riba e figura i el a pone su mes firme su dilanti.

— „Ta kico esaki ta nifica?” el a grita. „Ta kende?” Jen di spantoe e figura a drai mira i el a keda mira Tom Poes casi sin por hala rosea. Taba senjor Kwakernat.

— „Eh... oef! Esta un span-toe!” el a esclama. Mi a kere koe tabata e spiritoe di awa! Ma ta bon koe ta abo!

Ta com bini bo aki?” — „Ta net loke mi tambe tabata kier a puntra bo!” Tom Poes a bisa. „Mi ta poerba di de-



fende e Burgemeester koe ta biba aki!”

— „Caramba!” Senjor Kwakernat a bisa. „Mi tambe ta poerba di haci esai. Mi a sigi e sinjalnan di e spiritoe di awa i nan a guia mi te aki. Derechitoe di e laguna na aki!”

E mester ta scondi aki anda. E tin algos bao di man, esai ta sigur. Awe nochi mi ta sigur koe cosnan stranjo lo toema lugar, conta coe esai! Ay, ay, ki un preocupacion!”

Mientras tantoe Mister Bommel a bai sinta den un stoel grandi. El a pone su sabla meimei di su roedienan, el a pone su scopet na un manera mas facil i el a haci

un sinjal coe su wowo pa doena e Burgemeester animo.

— „Toer cos ta na orden!” Mister Bommel a bisa.

„Nada no por sodece! Aki bo ta mas sigur koe... koe kico?”

Bai droemi toer sosega, mi ta tene warda i na e momentoe di mas chikito, lo mi ta para firme banda di bo, coe mi scopet den un man i mi sabla den e otro!”

— „Esaki ta palabra di homber!” e Burgemeester a selama contentoe. „Mi no ta gusta di perde sonjo. Mi salud ta basta delica! bon 'nochi gordo!”



RUDGE

E MEHOR BICICLETA
DI INGLATERA
CONOCI PA MAS CU
80 ANJA CABA

Mira e marca

di Fábrica aki



Insisti semper p'e Original & Legítimo Sturmev-Archer cu 3 of 4 speed.
Un producto di Industria Raleigh Limited Nottingham-Inglaterra.

Distribuidor:
J. ELDERFIELD FRANCIS,
P. O. Box 29
Curaçao

dreft e unico cos nobo pa
laba y frega den ultimo 2000 aña.




DREFT ta e producto ideal pa laba paña fin... Bisti di seda, mea, y paña interior ta dura dobbel ora nan ta labá cu DREFT.

DREFT ta limpia loza den mitar di tempu. DREFT ta brilla loza y ta resplanda cristal sin frega ni seca.



DREFT TA HACI 8 BES MAS SCUMA CU E MIHO JABON



Dorothy Lamour
(Paramount)

Habon LUX

E Habon Blanco Fragante dje Estrellanan di Cine

Mensaje di Belleza di
un Estrella di Cine
pa Bo!

„E cuida embellezadora di habon Lux ta haci Bo cutis fini i boenita” asina e encantadora Dorothy Lamour a bisa. Ser manera un Estrella di Cine i haci Habon LUX bo guardian di boeniteza. Usa Habon LUX cu awa cayente i despues kita e scuma cu awa frieuw; den dos minuut bo cutis ta bira suave manera nunca antes!



—Abo y Bo Familia.—

Ora un trahador sali mainta foi su cas pa bai trabao, contento e ta yama su señora y yiu nan ayó te atardi. Pa e trahador aki, bisa su familia te atardi, ta un cos mashá normal pasobra ta esei ta su deseo mas ferviente y sincero, es decir, di ta mas pronto posible serca e sernan mas kerí. Te atardi... Kende sabi si atardi e ta bolbe su cas? E mes casi no ta pensa esei!

Tin tanto precaucion cu mester tene cuenta cuné cu un hende no por ta suficientemente preveni den su bida. Diariamente na cas, na caya y na trabao, en una palabra - tur caminda, nos tur, sin excepcion, mester zorg, tanto cu nos por, pa evitá peligronan cu ta amenazá nos constantemente. Pero si nos mes ta sin cuidao y desprecupá pa desgracianan, sin haci esfuerzo pa evitá loke por ser evitá, anto consecuecianan fatal cu lo sigi ta corre completamente pa nos mes cuenta y riesgo.

Ma hopi biaha no ta nos mes persona solamente ta ser victima. Pasobra si nos cai victima y nos ricibí e castigo máximo, cu ta morto, cu esaki nos a desaparecé foi dje mundo aki, y nos mes lo no tin ningun sufrimento corporal mas ni tampoco nos lo por ser juscá pa comunidad. Pero kico ta di esnan cu tabatá dependé di nos pa nan sostén? Ta justo pa nan ser victima di nos falta? No! jamás nos mester permiti esei!!

Ta p'esei ta mashá bon si nos tur realizá ki importante ta di ser juicioso den tur sentido di palabra. Hopi biaha nos ta cometé un descuido, cu ta parce chikito talvez, pero cu en realidad ta resultá grandi y funesto.

Na Compania diariamente nos ta experimentá sorto di casonan asina. Pa duna un prueba nos ta conta un suceso di algun tempo pasá.

Un trahador, kende tabata tra-ha como peon na un di nos Departamentonan, a ocurrié di hende un torch (un cos cu e no mag di haci pasobra no ta su trabao sino trabao di un arbeider

Iste klas cu a ricibi instruccion com mester traha cu sorto di aparatonan asina) y door cu e no tabata sa coma cende e torch el a cometé e bobedad di habri un schroef cu tin na e torch asina tanto cu e atmósfera cu tabatin den e slang a bula e adaptor (loke ta regulá e gas) y mes ora henter e torch a pega na candela ocasionando un vlam formidable cu a kima tur dos mannan di e trahador aki den un fregá di wowo, loke, naturalmente, a causa mashá hopi dolor.

Afortunadamente e vlam no a cohe su wowonan. Si esaki a pasa, probablemente lo el a perde nan pasobra e no tabatin ril di seguridad bisti y su mannan a sufri e quemaduranan ei no solamente pasobra el a cende e torch sin sa com ta cendé, sino tambe pa descuido di no a protegé su mannan cu un par di handschoen di seguridad.

Nos ta recomendá tur trahador di sigi estrictamente reglanan di Departamento di Seguridad (V. D.), pa asina evitá desgracianan cu por resultá funesto tanto pa e victima, pa su familia y pa Compania en particular. Na bo mes interés, safe bo culpa y asina bo ta safe di otro tambe!

Toemá foi „De Passaat”.

NOTICIA FOI TERA

ANIVERSARIO DI
REVOLUCION RUSO DI LUNA
DI OCTOBER

Georgi Malenkof, vice-premier di Union-Sovjeta, koe actualmente ta ser considerá como e lider di mas poderoso di Sovjet despues di Stalin, a declara na ocasion di 32-aniversario di Revolucion Ruso di luna di October den ciudadnan Sovjetá di Moskou, koe pueblo di Moskou lo haci toer loke ta posible pa evita un gera. El a ripiti e deseo Ruso, koe un pacto di paz entre e Cincos Grandinan lo ser cerrá. I si acaso e instigadornan di gera rechaza e proposicion aki, anto Malenkof a

continua, koe Union-Sovjeta lo sigi su lucha pa paz coe ainda mas violencia.

Bao di aplauso ruidoso el a declara, koe un tercer gera lo nifica morto di capitalismo. E tema di mas principal di su discurso taata, koe e podernan di paz i democracia a bira mas fuerte, mientras podernan di imperialismo i capitalismo a debilita i crisis economica na Estados Unidos a aumenta. Programa di Rusia pa Alemania ta contene „un esplanacion escrupuloso dje convenio di Postdam.” Paz Europeo no por ser considera sigurá, si e problema aleman no a ser solucioná. Esaki no por a socede si democracia Aleman no toema destino di su pais den su mes man, si nan no a roba e magnate-nan Prusiano di nan respaldo politico i economico i si acaso reformacionnan democratico no ser ehecutá.

Institucion di Republica Democrática Aleman tabata nifica, segun Malenkof, koe coe solucion di asuntoman Aleman „a forma un principio riba base democrático.

Malenkof a acusa Estado Unidos koe pa medio di geranan nobo e kier crea un imperio mundial desconoci. „E diferencia entre plannan agresivo dje instigadornan nobo di gera i esnan di Goering, Hitler i imperialistanan Hapones ta, koe e agresornan nobo surpasa nan predecesornan fascista aleman i Hapones.”

Malenkof a declara koe nunca Rusia a tene secreto koe e tin bomba atómica. Den mannan di pueblo di Sovjet sinembargo esaki lo sirbi como „un arma poderoso pa desarollo tecnico desconoci. „Nunca den historia Rusia tabatin fronteranan di estado mas hustoe i hamas su lazonan di amistad coe su nacionnan vecino tabata mas fuerte,” asina Malenkof a termina su discurso.

Curacion
y salud pa
bo **PIEL**
PUROL

Bálsamo — Pociro — Habon
Handelsonderneming: Nolte & Co



He Doesn't Know the Facts of Life!



**¡Nuevo!
¡Fascinante!**




Angel Face
de POND'S

- ¡Nuevo! Un maquillaje distinto. Da un acabado primoroso y duradero.
- ¡Nuevo! ¡Fácil y rápido de usar! Se aplica sin agua o esponja.
- ¡Nuevo! No se derrama. Lleve Angel Face siempre consigo. ¡Dése un acabado suave en todo momento, dondequiera que esté! Cinco bellos matices "Angel" de POND'S a elegir.

Una mole en cada caja

**¡Sensacional! ¡Base y polvos
... todo en uno!**

Tom Poes i e Spiritoe awa



koe ta un cos masha antipatico di molestia nada menos koe un Bur-gemeester! Rechts omkeert.... mars!

I si e no kier tende, anto lo mi larga e sinti mi sabla!

Ha! sectie halt! Op de plaats.. rust! Hm.... ata mi para awor. Ja ta mitar di diezdos or.... Un trabao fastioso esaki. Oooooeah!! Mister Bommel tabata haap te coe e scarniarnan di su kaken-been tabata grunja, i e tabata sinti koe e spiritoe lo mester bini pronto awor, pasobra si otro manera lo e no por ricibie na un manera digno.

Ma Tom Poes si no tabata sinti sonjo ainda. El a combiní coe

senjor Kwakernat, koe nan toer dos lo pasa ketoe ketoe rond di e cas i koe nan lo busca sinjalnan si e spiritoe di awa por a pasa ai banda. I net den momentoe koe e tabata pasando un skina di e cas, el a tende un horloge bati.

— „Diezdos or!” el a grunja. „E ora di spooki!.... Hm.... mi ta masha curioso pa sa si algoe ta bai pasa....

Bon bisa mi no ta kere den spooki.... i mucloe menos den spooki, koe ta scribi carta tocante di placa! Ma nunca hende no por sa kico por tin di stranjoe den munde....

Den e momentoenan ai a sona un gritantoe leuw aja den cas.

XI.

Burgemeester Dickerdack a sa-di su preocupacionnan, i el a pa su culpa bao di su dekelnan. despues di a pensa durante di lamente dos minuut, el a cai en sonjo. Tabata bon cla koe e tabatin un estado di salud masha ebi.

Ma ora largoe den stap di solda Mister Bommel a keda camna en e gandrí di p'ariba p'abao. Tabata sinti su mes fuerte i en condicion di doena cada spitoe di awa koe mester pasa, un on les.

— „E pester!” el a grunja. „E paga! Si e bini, lo mi.... lo mi.... rabia coe n'e na un manera ebero! Lo mi jama su atencion,



FRESCO
henter dia,

Habon Lifebouy
Semper pa refrescante
pesonal



BELLEZA PA TOER EDAD

Embeleza bo cutis cu
poeroe Parami. Un poeroe
fini y favorable pa juven-
tud. E ta forma un belleza
nobo na bo cara y bo cutis
ta keda perfumá di e Perfu-
me di juventud cu e ta con-
tene.



Polvos Parami

PERFUME DI HUBENTUD

Trahá di e más mehor Tabaco



E ta smaak mehor.

DISTRIBUIDOR:

L. H. PALACIOS N.V.

Còm por traha den
9 minuut e FLAN
más exquisito



1. Mescla FLAN ROYAL (un paki)
den 2 koppi di lechi cayente



2. Lage cushi 3 minuut mien-
tras bo ta biré




3. Bashé den forman huntu cu
stropi di sucú y lagé fria.

E ta más
suave y
cremoso!



E ta cushi lihé.
No tin mester
di dorné!

E ta económico
Cumpra Flan
Royal awe mes



Trahá pa fabricantenan
di Postres Royal

Ya 1 millon i mei di hende a
inscribi nan como Peregrino durante
Anja Santo.

Hopi no-catoliconan tambe ta bai Roma

Mgr. Pignedoli, secretario di
comision central pa Anja Santoe,
a declara den un conferencia di
prensa seman pasá, "koe ya mas
di 1 1/2 millon di persona a in-
scribi nan como peregrinonan
foi toer parti di mundoe, pa bin
pasa e anja di hubileo na Roma.
El a bisa koe e éxito di Anja
Santoe ya ta garantizá pa moti-
boe dje enorme importancia ri-
cibi di toer parti di mundoe.
Mgr. Pignedoli a bisa, koe no
solamente catoliconan, pero
tambe peregrinonan di otro re-
ligionnan- orthodoxonan, pro-
testantnan i hasta Mahomedan-
onan a inscribi pa bini Roma.
El a participa koe mas di dos
mil peregrino Griego-Orthodoxe
a reservá lugarnan i koe emba-
hador di Egipto na Santa Silla a
participa koe un numero di Ma-
homedanonan di Egipto lo bini
Roma.

26 gran solemnidadnan den
curso di anja.

Mgr. Pignedoli a centuá prin-
cipalmente e aspectonan spiri-
tual dje anja di hubileo.

E espíritu di Anja Santo, asi-
na el a bisa, ta un union di pere-
grinonan di Cristoe i Su gracia.
Esaki lo ta un encuentro inten-
sivo coe Dios i prohimonan. Lo
ta e anja dje gran regreso i dje
gran reconciliacion, manera San-
to Padre a bisa.

Durante e Anja Santo lo tin
como 26 solemnidad eclesiastica,

bao di cualnan beatificacion i
canonizacionnan na Roma.

E solemnidadnan aki lo ser
dividi durante henter tempoe di
hubileo, pa doena toer peregrino-
nan ocasion pa asisti sea na un
beatificacion, canonizacion, ben-
dicionamentoe di cualkier misa
of un of otro fiesta liturgica.

Den un numero mencioná di
peregrinonan koe a inscribi nan
pa bini Roma no ta contá e mil-
lesnan koe lo bini Roma riba
nan mes of na gruponan. Ta
spera koe lo tin na Roma como
6 millon di peregrinonan.

Vittorino Veronese koe tin di-
reccion dje organizacion, cual ta
encargá coe transporte, aloja-
miento etc., ta participa koe
Francia, Austria, Alemania, Sui-
za, i Italia lo reduci nan tarief
di trafico considerablemente.
Ferrocaril frances lo doena un
reduccion di 30 porciento pa
gruponan di mas koe 10 persona
i 50% pa gruponan di 500 i mas
persona. Ferrocarrilman Aleman
ta doena 60% di rebaha pa trein-
nan especial di peregrinacion.

Pa evita koe e peregrinonan
ser cobrá de lo masiado, comision
di Anja Santo ya a percursu pa
21.458 cama na Roma i ainda
5000 cama na Genua, Florence,
Napels i Assisie.

Ademas lo tin dos terrenonan
di kampeer coe alomenos 1500
cama. Luego lo tin un terreno
di kampeer pa peregrinacion koe

ta bini coe caronan di kampeer
of propio tentnan.

Prijnsan pa toer cuartonan ta
fihá i publicá. Nan ta varia di
800 lire pa un cuarto coe un cama
te 500 lire pa cuarto coe 5 cama
of mas. E cuartonan aki por ser
modificá si curso di placa cam-
bia hopi.

UN BOENITA EXITO.

Diadomingo di seman pasá
Lorenzo van der Linden, disci-
pulo di Skerpené a ricibi e alegre
noticia koe el a pasa su examen
coe bon éxito i a hanja su Di-
ploma "American coupe" de-
partamento di panja pa homber
pa Coupers i Coupes Peere-
boom na Amsterdam.

E diplomado aki a sigi un
curso por escrito bao di direccion
di Rev. Frater Thomas. Na di-
plomado i maestro nos cordial
felicitation.

IR. NOORDUYN DI NOBO NA
CORSOUW.


Esun koe mester bandona
Coursouw despues di a bina un
tempoe largoe riba dje, no por
loebidé nunca mas. I ora koe bo
tin ocasion, anto e deseo di bolbe
ta bira mas grandi. Siman pasá
e vapor "Hyalina" a drenta
Coursouw coe e antiguo director
di CPIM i CSM Ir. J. Noorduyt
na bordo. El a bini coe intencion
di pasa algun tempoe riba e isla
aki koe a bira asina stima pele.

Sr. van Drimmelen i hopi otro
autoridadnan di CPIM tabata
presente pa saluda nan antiguo
amigo.

PROTEJA A SU FAMILIA CONTRA RESFRIADOS

Hágase más resistente a los catarros usando el
Jarabe de Robert que alivia la tos y el resfriado y
provee inmunidad duradera. Fida a su farmacéu-
tico el Jarabe de Robert de extracto del hígado de
bacalao y alquitrán. Sus excelentes propiedades
medicinales constituyen un resguardo científico
contra la tos, catarros y bronquitis.

NORTHROP & LYMAN CO., LTD., Toronto, Canadá
Fabricantes de productos farmacéuticos puros



JARABE DE ROBERT

NUNCA MUCHANAN TA

CANSA DI HUNGA. ...

E Mama sabi di alimenta
nan cu KLIM

ELSIE e baca
BORDEN ta bisa.



Den dia i anochi — un glas
di e deliciosa lechi KLIM ta un
cos cu muchanan ta tumé cu
berdadera alegría. Su sabor ta asi-
refrescante!... for di e promé bo-
ca, bo ta apreciá riqueza di lechi
KLIM! Por supuesto... ta lechi di
baca di e mehor calidad, na cual
únicamente bo a agrega awa. Pero
e ta conserva intacto e sabor frescu
i su pleno bator nutritivo. I e bieki
bon cerrá ta mantene e uniformidad
i pureza di lechi KLIM completa-
mente.



LECHE pura KLIM

Preferida di enter mundo.



¡SU PORVENIR
ESTA EN
SUS MANOS!

¡TOME USTED Cocomalt

por el bien de su nene... por su propio bien!

La ciencia médica
prescribe que la dieta
de una señora en
cinta, o durante el período de la lac-
tancia, debe abundar en todos los
elementos alimenticios que contri-
buyan al desarrollo del organismo
de su bebé. Principalmente—dicha
dieta debe abundar en calcio y fós-
foro para asegurar el rápido creci-
miento del niño... con huesos y
dientes fuertes y sanos... y Hierro,
elemento mineral esencialísimo du-
rante el primer—y más crítico mes
de la lactancia.

COCOMALT contiene estos mine-
rales esenciales—y las vitaminas B,
y D. Dos cucharaditas colmadas de
COCOMALT bien diluido en un vaso
corriente de leche—fria o caliente—
enriquece 70% las calorías de su
dieta diaria de leche.

Tomado con leche en la forma
sugerida, COCOMALT—fácil de di-
gerir—debería ser parte importante
de su dieta alimenticia diaria.

Consulte con su médico acerca de
COCOMALT... y no compre ningún
sustituto.

(Pida Cocomalt en cualquier almacén de comestibles.)

Cocomalt

PRODUCTO DE R. B. DAVIS COMPANY

LA BEBIDA
ALIMENTICIA
MALTEADA




¿Catarrro Nasal?
¡ESTAS GOTAS ALIVIAN Y DESPEJAN LA
NARIZ, CALMAN LA IRRITACION, DEJAN
R-E-S-P-I-R-A-R!

¿Por qué sigue Ud. sufriendo con
la nariz obstruida y dolorida,
cuando padece catarrro nasal,
cuando sólo unas cuantas gotas de
Va-tro-nol pueden calmar y
refrescar las irritadas membranas
nasales, aliviando la congestión;
hacen disminuir la inflamación y
le facilitan la respiración al
instante? ¡Pruébelo!

¡Pronto alivia da VICK VA-TRO-NOL!

Tom Poes i e Spiritoe awa



E gritoe di den cas no a bolbe
repeti, toer cos a bolbe keda ke-
toe, un kietud grandi a reina.

Tom Poes no a pensa pa mu-
choe tempoe. El a corre bai coe
toer e liherez a koe su pianan por
a doene na e porta di atras di e
cas, el a coeri pasa den e gandríj,
el a curi subi e trapí i e no a para
te ora koe el a hanja su meş di
Burgemeester. Ja Mister Bom-

lanti di porta di e camber di e
mel a jega aja caba. El a fula e
porta coe e cuidao di mas gran-
di mientras koe e tabata tira un
bista jen di temor rond di su
mes.

— "Tras di e porta aki un hen-
de a grita!" el as plica Toeh Poes.
"Di golpi mi ta spierta... mi ta
meş di mi pensamentonan, i
anto mi tabata sabi sigur koe un
hende a grita."

— "Bo tabata droemi anto!"
Tom Poes a punte na un manera
severo. "Na lugar di wak, bo a..."

— "Oho! Ketoe, ketoe!" Mister
Bommel a bisa. "Mi tabata tene
warda oranan largoe. Ma e sco-
pet a bira muchoe pisa pa mi, i
anto mi a bai cologe na un stoel

1 anto mi a para pensa un poco i
anto mi a bai sinta un ratoe i an-
to mi a cai den sonjo..."

— "Nos mester drenta!" Tom
Poes a bisa, cortando su comber-
sacion. "Nos ta gasta nos tempoe
coe papiametoe i ken sabi kico
a pasa aja denter caba! Bini coe
mi!"

El a hala e porta habri i el a
dal un stap, mientras koe Mister
Bommel a sigie jen di cuidao. E
camber di e Burgemeester tabata
bashi! E bentana tabata un poco
habri, di tal manera koe e corti-
nanan abata move poco poco i
riba suela dilanti di e porta, un
sapoe carinjoso tabata mira na
un manera amicabel. I for di
esai, e camber tabata blo bashi!..

SPORT

VICTORIA PA VITESSE I SUBT.

Diasabra Vitesse a sabi di reabilita su posicion riba lista di bierno lo doena su cooperacion. competitie di A-klasse, derrotando Jong-Curaçao coe 4-2. Aunke koe e wegá tabata masha sportief, sinembargo den sentido tecnico el a larga mashá hopi di desea. Den e wegá aki e lema tabata, esun koe hinka mas tanto goal a gana i coe esai, "acabó la cuenta."

Diadomingo atardi SUBT i Transvaal a bai enfrenta otro. E jioe di Surinamnan koe no kier a keda di mas abao riba lista di competitie a forma reorganizacion interno, di cual e resultado tabata notable Diadomingo. Ta di comprende koe esnan koe a mira koe na halftime Subt tabatin 3-0 caba, a pensa coe razon koe e wegá aki lo termina desastroso pa Transvaal. Sinembargo nan tabata ekiboca, pasobra practicamente e segundo mitar wegá tabata pa Transvaal, pasobra nan a sabi di hinka dos goal contra Subt uno. E wegá a termina 4-2, pero coe poco mas tactica di parti di Transvaal, nos por a contempla un gran sorpresa Diadomingo.

Den B-klasse tabatin un wegá mashá fuerte dje dos adversariannan temí koe ta Estudiantes-Vesta. Despues di un wegá mashá fors pero boenita, den cual cada hungador tabata saca nan cara na e manera di mas mehor koe nan tabata por, e wegá a bin sali 1-0 na favor di Estudiantenan. Nos felicitacion na Jurie i su muchanan di Mundo Nobo, kendenan e biahe aki a ocupa un mehor i di promer lugar riba lista di competitie, sigi inmediatamente pa PSV, koe den e periodo aki ta haciendo un impresion mashá bon. Pa judanza di Matrona i algun hungador nobo mas, e club aki tin boenita perspectiva. Awor ta lucha mester proba lo mehor.

E otro weganan por ehemplo entre Huracan-Eastern Boys a keda suspendi.

Si nos no ta ekiboca nos ta observá un flohedad den weganan di football. Di parti di mirones-

nan principalmente no ta existi asina tantoe entusiasmo mas manera antes i esai coe nan razon. Ultimo tempoe nan ta pasa koe e clubnan no kier ofrece 100% e clubnan no kier ofrece 100% di nan energia pa football mas, pero nan ta practicando brutalidad i toer loke nan ta desarollá den dje ta amenza di referee i cosnan por estilo.

PISCADORNAN DI BAYENA.

Diasabra a drenta nos puerto e vapor di Norwechi „Thorshovdi". E vapor aki ta bai haci un biahe pa Antarctic via Capetown.

Su tripulacion ta consisti di 400 homber i e tin un composicion internacional, pasobra e tripulacion pa e expedicion ta consisti di Norwechinan, Sueco i Ingles. Abordo tabatin tambe como 50 politiehond. Cuater di nan mester a tira mata, pa motiboe koe nan tabata sinti maloe.

Diadomingo e vapor aki a sali trobe pa un expedicion koe lo dura 3 anja. Nos ta desea nan un feliz exito coe nan expedicion.

ACCIDENTE COE RESULTADO MORTAL.

Diadomingo tabatin un accidente lamentable. Un ciclista koe tabata corriendo riba camina di Sta. Cruz na Aruba a bini na colision coe un auto. E ciclista a keda aibao morto instantaneamente.

Pronto poliznan a jega na e lugar di accidente i ta investigando e caso. Toer loke nos sabi dje victima koe e ta soltero.

ESAKI SI TA DI MAS.

Diadomingo anochi un bus probablemente tabata corre asina duro, koe el a drenta curá dje hendenan, i a dal un homber basha 'bao koe tabata sinta dilanti dje cas. E homber aki a kibra pia. E chauffeur a hanja hersenschudding. Toer dos a ser transportá pa hospital. E danjo ta hopi grandi.

ALGO DI DIASABRA.

Diasabra tabatin dos colision coe un danjo di f 150.—

Diasabra anochi pa 7 or' tabatin un colision riba camina pa Westpunt, banda Papaya entre dos auto di famia. E danjo tabata f 250. Probablemente e acci-




BO CABEI LO TIN MEHOR

APARENCIA Y BO CUERO DI

CABEZ LO SINTIE MEHOR SI

BO COMBATI E CASCANAN.



SI BO CABEI TA SECOE, tieso

pa penja i jen di casca, ta un senjal cu bo cuero di cabez ta secoe. Combati cuero di cabez secoe usando Vaseline Hair Tonic toer dia, i pronto toer cascanan ta kita; pasobra Vaseline Hair Tonic ta contene zeta natural cu ta bon pa cuero di cabez secoe.

Coe mpresel' awe mes.



Mas homber ta usé awenda cu cuallkier otro Tónico pa Cabeí.

dente aki a toema lugar pasobra un auto a blinde otro.

Diasabra anochi un accidente masha serio a toema lugar riba F. D. Roosevelt-weg denter di un pick-up, un autobus i un dump truck.

Chauffeur dje pick-up koe tabata bao di influencia di alcohol a kita na banda robez di camina i a bai un pick-up koe a kantel. Un autobus koe tabata corre dilanti dje dump truck tambe a bin dal contra e pick-up koe e kantel. Danjo dje tres caronan aki ta honta f 2000.—

Pa motiboe koe Diadomingo un chauffeur a habri su porta dje banda contrario, un auto koe tabata biniendo, a pasa dal'e. E danjo ta f 125.—

SIN RIJBEWIJS.

Riba camina di Westpunt un chauffeur di un pick-up, koe tabata bao di influencia di alcohol i koe tampoco no tabatin rijbewijs na un manera asina bestial, koe el a bai dal un truck pará. E danjo aki ta f 1200.—

UN CARINJO DESAGRADABLE.

Un tercio poco of basta canjá tabata pasea coe un hobencita. Pero com koe ta, e alcohol a haci su influencia i e tipo a bai sonjo. Ora el a dispierta el a descubri koe e tabata mas bashi coe Reini. Nan a horta toer su placa.

ANACAONA A CONKISTA CLUB DI TRAHADORNAN DI GOUVERNEUR BARGE'S BAD.

Pa di asina tantoe bez a proba koe riba terreno social i cultural C.P.I.M. ta haci mashá hopi pa su trahadornan. Nada ta di mas pa Compania, contal koe e por haci su trahadornan contentoe coe esaki. Esai a proba trobe e anochi di baile bon frecuentá

den nan mes club na Rif. Demas gozo dje anochi aki a keda na cargo di e orkesta di damas „ANACAONA". Tabatin aja presente mas koe 3000 persona pa demonstra nan amor pa baile. Tabatin e anochi ai fuera di coestumber dos dansvloer, riba cualnan e parehanan por a balia toer na nan smaak. Ademas e hendenan a moestra mashá atencion tambe na barnan. Pero banda di 11 or' Madre-Naturaleza kier a bin stroba e gozo aki i un awaceroe torencial a laba e plenchi limpi-limpi. Pero esaki no a causa ningun estorbo, pasobra apenas e awa a haci manera el a pasa, koe e parehanan a coeminsa coe mas entusiasmo como si fuera ta nada no a pasa. Pa alomenos 2 or' a bini un fin na e anochi bailable i alavez na e alegria inolixdable di tahadornan. I satisfecho cada un a bandona e salanan espacioso pa bai goza di un sosiego bon mereci.

RETIRO HONROSO NA H. L. POPPENBURG.

Dia 11 di November tabatin un corto solemnidad na marinebasis di Parera, na cual ocasion pa di dos bez a doena retiro na H. L. Poppenburg foi servicio mar real. Sr. Poppenburg, kende na anja 1885 a drenta servicio cerca Marina Real como lichtmatroos, a bandona e servicio aki na Corsouw na anja 1910 como matroos la clase. Na anja 1942 Marina a bolbe suplica su servicicionan, pero e biahe aki como tijdschrijver di personal civil na marinebasis Parera.

Sr. Poppenburg ta bai goza awor di un sosiego bien mereci.

TRUMAN TA EXIGI IGUAL DERECHONAN CIVIL.

Den un discurso riba conmemorativo di arministicio di 1918 Truman a haci pa di dos bez e exigencia, koe Congreso lo acepta su proyecto di ley respecto derechonan civil. „M'a caba di pone un kran riba graf dje Soldá Desconoci i ningun americano no ta importa koe e ta catolico, hudio of protestant, ni tampoco di ki famia of ki color e ta."

LA CRUZ NA MARIE POMPOEN.

Como nos a hanja asina tantoe pedida pa La Cruz di parti di Marie Pompoen, nos ta recomenda nos lectornan koe nan por hanja coempra La Cruz na cas di Tuyuchi na Marie Pompoen No. 221.

EL AGRADEBLE Codol RESTAURA LA SALUD Y LA ENERGÍA

UN TONICO EXCELENTE

Los climas cálidos debilitan y consumen energía y vigor. Para reponer tal energía se necesita algo que contribuya con un buen acopio de las sales minerales necesarias para la salud.

Usted hallará ese algo en CODOL. Codol es un tónico nutritivo y estimulante... rico en sales minerales tónicas... de buen sabor y fácil de tomar. Use Codol al convivir de bronquitis, tos, resfriados y amigdalitis... como reconstituyente en casos de irritabilidad nerviosa... en todos los casos de decaimiento o después de una enfermedad, para ir vigorizando el organismo. Codol puede obtenerse solo o con creosota y guayacol.

En dos tamaños 8 y 16 onzas. Pídelo en su farmacia NORTHROP & LYMAN CO. LIMITED Toronto - Canadá

EN SU FARMACIA

VEL

ta laba i limpia cos na un manera maravilloso

1 OVEL
2 OVEL
3 OVEL
4 OVEL
5 OVEL

ta kita smear mas lihé cu jabon.
ta haci panjanan fini fresco y brillante
ta conserva colornan di panja mas tanto
ta mantene mea mas transparente
ta suave pa man, pasobra e no ta contene alcali.



Vel nobo i admirable ta un cos mágico den cushina cu ta haci toer cos lombra. Vel ta activa den cada gota di awa. Pe sey Vel ta kita tur smear completamente mas lihé cu habon. Cos di plata y cristal ta keda lustroso. Ora cu hawa e cosnan nan ta keda limpi sin ningun manchad di habon. Corda tambe cu Vel ta magnifico pa panja interior. Mea labá cu Vel ta keda más transparente. Colorman di panja lavable ta keda mas bibo si nan ta labá cu Vel. Y senjora, como Vel no ta contene alcali, e no ta ofensivo pa bo man. Coempra un pakí VEL awe ries.



PARA LA ROPA Y VASILLA VEL ES UNA MARAVILLA



iPor vasos es riquísima! Cremosa... Vitaminizada ¡Y ES PASTEURIZADA!

LECHE DENIA

SANGURA NA VENTA.

Habitantenan di Marie Pompoen ta reclama koe aja banda tin sanguranan di toer sorto di tamanjo i koe lo ta bon koe nan hanja un ajudo contra e pesteran aki.

DIRECTOR MOORE.

Corsouw „Moore MacCormack Lines", Sr. Albert V. Moore, abordo di Mormaeddawn.

PRINS BERNHARD TA BAI MEXICO, BRAZILIE I VENEZUELA TAMBE.

Respecto di biahe na anja 1950 na Antillanan Neerlandes i Suriname, Prins Bernhard lo haci un bishita oficial respectivamente na Venezuela, Brazil i Mexico. E gobiernonan dje tres nacion aki a hanja e noticia aki caba i a doena caba nan aprobacion. Segun e programa di biahe despues di su biahenan na Antillanan, Prins Bernhard lo bai Caracas abordo di „Jacob van Heemskerck", despues l'e bai Suriname i coe aeroplano l'e bai Mexico i Brazil pa e bishitanan oficial.


COMISION DI PREPARACION PA BISHITA DI PRINS BERNHARD.

Su Excelencia Sr. Gobernador a nombra un comision cual lo organiza e proximo bishita di Su Alteza Real Prins Bernhard na Antillanan Neerlandes den cooperacion coe autoridadnan local, particularnan i institucionnan.

Den e comision aki nan a nombra sigiente Sres: M. M. Mérens kapitein ter Zee, C. M. R. A., President, F. J. J. Corver, Secretario di gobierno, mr. J. J. A. Ellis, Procureur Generaal, I. E. Léezer, luitenant-kolonel, C.L. N.A. miembronan.

GIRARD PERREGAUX

Relojes de Alta Calidad desde 1791



Un recuerdo semper oportuno. Girard — Perregaux ta un holoshi di gran mérito, apreciá pa su precision maravillosa i su belleza exquisita.

Holoshi di pulsera pa damas i caballeros. Den caha di Oro, Oro Enchapt i di Hero cu no ta mancha.

EL CRISTAL

Handelskade No. 8 — Curaçao
Breedestraat — Otrabanda No. 11 — Curaçao.

FAMOSO POR SU SABOR



En las tiendas de víveres— en paquetes de tamaños convenientes y en los nuevos saquitos filitantes

Avisa den e Corant aki

GRADICIMENTOE

Pa medio di es simpel lineanan aqui nos quier gradici na tur familia, amigo, amiga i conocirnan cu a munstra nan atencion durante enfermedad i morto di nos tata i nos ta gradici tambe na Dokter Lu i Soeurnan di hospital San Franciscus pa nan trato amable haci na nos tata

Jacobo Emerenciano (Q.E.P.D.)

Na number di Esposa i Jiunan

Rosa Emerenciano
Andres Emerenciano
Adrians Emerenciano
Maria I. Cecilia
Isidora F. Manuela
Eugenio Emerenciano
Pablo B. Emerenciano

Bonaire 1—11—49

STATENVERKIEZING

Kiezers wier beroep of werkzaamheden medebrengen dat zij geregeld doch met geen groter tussenruimte dan 14 dagen buiten het eiland op welks kiezerslijst zij voorkomen moeten verblijven zijn bevoegd bij volmacht te stemmen. Zij die van deze bevoegdheid gebruik willen maken moeten voor de 1e Januari 1950 een daartoe strekkend verzoekschrift bij ondergetekenden indienen. Inlichtingen worden gaarne door ondergetekenden verstrekt.

Het Hoofd van het Centraal Bevolkingsregister.
De Gezaghebber van Aruba.
De Gezaghebber van Bonaire.

Historia di Apostelnan.

pa Cas di Famia.

(Continuacion)

DI DOS BIAHA DI MISION DI APOSTEL SAN PABLO

(Continuacion II.)

I bandonando e snoga, el a toema su bibar den un cas di cierto Tito Husto, un Hudioe, kende su cas tabata banda di e snoga.

For di e tempoe e tabata predica aja pa paganonan i tambe pa Hudioenan koe tabata bin tende. Bao di esakinan tabatin un ciertoe Crispo, koe tabata para na çabez di e snoga. Pronto el a kere den Senjor, e i henter su cas di famia. Masha hopi otro hende di Corintio, koe tabata tende Pablo, tabata kere, i nan tabata ricibi bautismo.

Ma toer esaki tabata aumenta e odio di e Hudioenan increyente Nan tabata molestia e Apostel asina tantoe, koe el a kere di mester a hui pa scapa di nan odio.

Ma esaki lo no socede na Corintio! Den un vision Senjor a parce n'e i a bise: „No teme, ma papia i no keda ketoe! Pasobra mi ta coe bo; no tin ningun hende koe lo mishi coe bo pa haci bo maloe, pasobra hopi pueblo den e ciudad ta pertenece na mi.

Consola i fortifica coe e vision aki, Pablo a keda den e ciudad i aja el a instrui e pueblo durante di un anja i seis luna.

Durante di e tempoe ai e Hudioenan incredulo a uni nan mes unanimamente contra dje. Nan a hiba Pablo dilanti di Galio, e proconsul nobo di Achaja; nan a keha aja dilanti di husticia i nan a bisa: „Esaki ta predica un religion koe ta contra ley.”

(Eta sigi)

NO USA JABON MAS!



Usa e schampoo
DRENE
pa laba bo cabe!

**DRENE ta laga cabe mas limpi, mas brillante,
mas suave y mas facil pa peña.**

MIRA E VENTAJANAN CU DRENE TA DOENA:



Drene ta doena cabe su lustre natural...
Drene ta elimina casca...
Drene ta drecha cabe y no ta seke...
Drene ta scuma 5 vez mas cu habon...
Drene ta sirbi pa toer
colo y toer clase di cabe...

Laba bo cabez cu Drene y toer hende ta admira bo cabe!

Experimentonan científico a proba cu Usadornan di Listerine Antiseptico nan diente ta danja menos cu otro hendenan.

Lambert Pharmacal Company durante un periodo di diez luna a haci dos experimento na dos school. Den un di e schoolnan 48 mucha muher tabata sirbi como personanan di control y den e otro school 73 mucha muher tabata uza Listerine antiseptico; al-gun di nan dos bes otro tres bes

pa dia. Despues di e pruebanan aki nan a conta cuanto di e mucha muhernan di e grupo di Listerine nan diente tabata danja y compara e cantidad coe esun di e grupo di control. E resultado di e comparacion aki nos por mira aki bao.

Experimento 1 Skeiru diente dos bes pa dia y despues spula boca coe Listerine Antiseptic a duna siguiente resultado,

MENOS DIENTE DANJA CERCA **56%.**

Experimento 2 Skeiru diente tres bes pa dia y despues spulo boca cu Listerine Antiseptic a duna siguiente resultado,

MENOS DIENTE DANJA CERCA **85%.**

E resultadonan aki ta demostra importancia di un bon cuidio di boca pa evita danjamentoe di diente, aunke e resultado lo no ta mesco pa hende di tur edad. E experimentonan aki ta duna nos siguiente informe: Haci tur bo posibel pa bo dientenan no danja y pa bo ta sigur koe bo ta cuida bo boca bon, uza Listerine Antiseptico regularmente despues di cada cuminda y spulando boca coe n'e cada bes koe bo skeiru bo diente.

LISTERINE ANTISEPTICO

Conoci mas di 60 anja como e mehor antiseptico pa protega bo aliento i dientenan.



CALENDER

DI

MISION CATOLICO DI CURAÇAO

1949

NOVEMBER

Fecha	Dia	Fiesta	Observacion
17	Diahuebes	S. Gregorio Taumaturgo Obispo i Conf.	
18	Diabiernes	Dedicacion di Basilica di S. Pedro i S. Pablo.	LUNA Luna nobo
19	Diasabra	Sta. Elisabeth Bda.	
20	Diadomingo	Di XXIV Diadomingo despues di Pentecoste.	
21	Dialuna	Presentacion di La Birgen	
22	Diamars	Santa Cecilia Virgen i Martir.	Patrona di cantadornan.
23	Diarazon	S. Clemente I Papa i Martir	

Su Ultima Obra

Continuacion.


Hairy a keda mira pensativo na e feshi. Un pito di auto a zona duroe despues tres pito tras di otro, manera un sinjal palabr! E homber a haci manera un hende coe a bolbe na su tino, el a saca su man grandi jen de lana, i zuster a sinti manera heroe a sera su pols. Ai, „el a bisa ketoe. E homber a hale hiba na un porta, el a habri nan a pasa un hantji, baha un trapi. El kier a grita pero el sa coe lo no juda nada. Ya Hairy a habri otro porta, aire froei di afor a drehta su nanishi el a nister.

a tende di Hairy, „hui”. Despues a zona un tiro dos tiro mas, zuster a tende zonido duroe di un curpa coe a cai. Mes ora el tende porta sera, pianan pisa a pasa den hardin p'adilanti un auto a corre bai i. toer cos a keda ketoe. Zuser Curtiss a lamanta, su coerazon tabata bati duroe, el por supone ta kico a socede aja den. El a corre bai, habri porta, subi trapi, el a pasa den hantji scur, nada el no por a mira aja den, pero un roncametoe pisa tabata su guia. Pareeuw e porta a zona, Hairy a puntra: „ta zuster? Den mi sacoe di batji tin lucifer. — Zuster su

pia a foela e curpa, el a saca lucifer el a cende, Hairy a sera su wowo, el no por a wanta e luz. El tabata banja den sanger... Su boz a bolbe zona di nobo „zuster, e muher tabata mi bon mama gracias zuster E ultimo palabra tabata companja coe un boca di sanger. Sonrisa a bini riba su cara, el a hari calmo, gradecido. Zuster a domina su lagrima, el a pone su boca pega coe Hairy su orea bisando: „mi sa esai, Joe Crown. Bo mama a conta mi hopi di bo, e ultimo anochi di su vida. Su oracion di toer dia tabata un supplica na Dios coe na ultimo ora di bo vida, lo bo haci un bon obra coe lo salba bo alma. Despues di un rateo zuster a bolbe luza e cara, net e muribundo tabata hala su ultimo rosea.

El a bai den eternidad. Zuster a sera wowonan di e morto, aja bao el a drumi cu sonrisa riba su cara. Zuster a bandona e cas, mientras el tabata kita lagrima foi su wowo. Su coerazon tabata tristoe pero e tabata gradici Dios coe recuerdo di un mama, por a trece combersion den e coerazon duroe di e pecador.

Joe Crown.



Awe nos amigoe aventurero

Ta preparando pa awacero

Nubianan pretoe na firmamento

Tabata pronostica awa cada momento

Un cantidad di bleki di saldinch i cangreuw

Toer machiká, toer frus i bieuw

El a hanja montoná den su curá

I adamchi a traha su plan purá.

Sin paga anto muchoe tino

El a tira e blekinan pa un otro destino

I su cara tabata lombra di alegria

Ora el a salba di tantoe porkaria.

E blekinan a bai resultá den curá di Feliz

Un tipo koe n' tin miedoe ni di poliz

El a para ta contempla e caso coe pacenshi

I a considera Adam pa hende sin concenshi.

Ora koe Adam a termina su asuntoe

Feliz a piki toer e blekinan huntioe

I sin koe Adam por a pensa mes

El a hanja toer e carga riba su cabez.

E represalia rapido e inesperá

Pa cual Adam a keda bao di bleki derá

A pone nos amigoe cai flauw

I si e no a lamta, ainda l'e t'aj bao.

Co'i Hari

— „Bo por a goza hopi di bo vacantie? Bo a logra un bon pension?”
— „Si, ma e muher donjo di e pension camina nos tabata, ta e hende di mas abusador koe mi a mira den mi vida.”
— „Si, ta di com?”
— „Figura bo, toer dia mi tabata bai piscá i semper mi tabata hanja algoe, i como toch mi no tabata sabi kico haci coe nan, semper mi a doené man, di tal manera koe toer e hendenan di pension por a come dushi piscá hazá toer dia. I semper mi a doené nan pornada. Awor mi a pensa koe lo e cobra mi algoe menos, ma kico bo ta kere koe

el a haci?
— „Mi no por magina mi.”
— „Riba mi rekening el a cobra mi ademá un botter di zeta dushi toer dia pa haza e piscarnan.”

—o—
Dokter: — „Mi ta conseha bo di larga nan hba bo casá mes ora na stad pa un operacon bon purá, sno mi no ta kere koe lo e biba un siman mas.”
Esposa: — „I kico esai lo costa?”
Dokter: — „Sigur 500 florin.”
Esposa: — „Anto mi no ta larga e ai, pasobra mi ta sigur koe lo mi por doena un deramentoe boenita coe solamente 300 florin.”



**La Sonrisa
Pepsodent
CONQUISTA
ADMIRADORAS**

Esta distinción tan admirada por la mujer es suya muy pronto... cuando la Crema Dental **Pepsodent** descubre el esplendor máximo de sus dientes. Con su abundante espuma **Pepsodent** quita mejor la película y elimina a perfección las manchas de tabaco porque

solo
Pepsodent
contiene **“Irium”**

Usted notará en seguida las cualidades exclusivas de **Pepsodent**. Pruébela y luzca la sonrisa más atractiva... ¡la sonrisa **Pepsodent**!

